



Broj: 03-50-1-60-14-12/10

Sarajevo 01.09.2010. godine

ZAPISNIK

14. sjednice Odbora za žalbe građana Parlamentarne skupštine Bosne i Hercegovine, održane 31.08.2010. godine

Četrnaestu sjednicu Odbora za žalbe građana Parlamentarne skupštine BiH sazvaio je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Beriće, Marijan Milićević, Ermin Pešto i Hamida Karčić, Željko Grubešić – savjetnik, te Aida Kreho - privremeni sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali: Zoran Savić iz Državne agencije za istrage i zaštitu, te Rasim Ređo iz Granične policije Bosne i Hercegovine.

Sjednica Odbora počela je u 13 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 13. sjednice Odbora za žalbe građana Parlamentarne skupštine Bosne i Hercegovine;
2. Razmatranje žalbi na rad pripadnika Granične policije BiH (izvjestioci: Mate Miletić, Ermin Pešto, Amela Bašić, Hamida Karčić);
3. Razmatranje žalbi na rad pripadnika Državne agencije za istrage i zaštitu (izvjestioci: Borislav Radić, Danica Beriće);
4. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 13. sjednice Odbora za žalbe građana Parlamentarne skupštine Bosne i Hercegovine

Zapisnik sa 13. sjednice Odbora za žalbe *jednoglasno je usvojen.*

Ad.2. Razmatranje žalbi dostavljenih od Granične policije BiH (izvjestioci: Mate Miletić, Ermin Pešto, Amela Bašić, Hamida Karčić)

Mate Miletić upoznao je članove Odbora sa detaljima predstavki broj: 03-50-1-60-14-4/10 i 03-50-1-60-14-5/10 zaprimljenih 23.08.2010. godine, obzirom da je, kao izvjestilac, zadužen povodom navedene dvije predstavke. Također, obje predstavke prokomentirao je predstavnik Granične policije BiH, Rasim Redo. On je upoznao članove Odbora sa načinom rješavanja predstavki, te razlozima koji su utjecali da se predstavke riješe na način kako je to i urađeno. Istovremeno, a kao vrlo važan dokument pri rješavanju razmatranih predstavki, dostavio je članovima Odbora *Uputstvo o kontroli postojanja i valjanosti zelene karte.*

Amela Bašić je određena kao izvjestilac povodom četiri predstavke. Prije detaljnijeg osvrta na te predstavke, kratko se osvrnula na predstavku broj: 03-50-1-60-12-6/10 od 23.06.2010. godine, u smislu da se još čeka na donošenje odluke i podnošenje izvještaja o predstavi. Zatim, članovima Odbora prezentirala je predstavku broj: 03-50-1-60-14-2/10 od 12.07.2010. godine. Predstavnik Granične policije BiH upoznao je članove Odbora sa načinom rješavanja prezentirane predstavke, te naglasio da predstavka nije osnovana.

Druga prezentirana predstavka zaprimljena je 12.07.2010. godine, pod brojem: 03-50-1-60-14-3/10. I o ovoj predstavi dostavljen je *Izveštaj* od Granične policije BiH, te je isti prezentiran i zaključeno je da je navedena predstavka neosnovana.

Treća prezentirana predstavka zaprimljena je pod brojem: 03-50-1-60-14-6/10 dana 30.07.2010. godine. Predstavnik Granične policije je, i po ovoj predstavi, prezentirao *Izveštaj*, te upoznao članove Odbora sa razlozima koji su utjecali na rješavanje konkretnog slučaja. Amela Bašić, kao izvjestilac po ovoj predstavi, predložila je Odboru donošenje sljedećeg zaključka:

“Zadužuje se Granična policija BiH da u roku od sedam dana dostavi sve dodatne informacije i dokumente koji bi potkrijepili opravdanost rješavanja predmetnih predstavki na način kako je to urađeno”.

Članovi Odbora jednoglasno su prihvatili Zaključak.

Također, istovjetan *Zaključak* prihvaćen je i povodom razmatranja predstavke broj: 03-50-1-60-14-7/10 od 30.07.2010. godine.

Ermin Pešto je, kao izvjetilac, zadužen da prezentira predstavku broj: 03-50-1-60-12-4/10 od 23.06.2010. godine. Obzirom da je i po predmetnoj predstavi podnesen *Izveštaj* od Granične policije BiH, nakon rasprave zaključeno je da u konkretnom slučaju nije bilo povrede službene dužnosti, te da je predstavka neosnovana.

Hamida Karčić je članovima Odbora prezentirala detalje predstavke broj: 03-50-1-60-8/10 od 25.08.2010. godine, te upoznala članove Odbora sa *Izveštajem* Granične policije BiH po navedenoj predstavi. Također, predstavnik Granične policije BiH je članovima Odbora dodatno obrazložio i sve detalje ovog slučaja, te je zaključeno da je predstavka neosnovana.

Ad.3. Razmatranje žalbi dostavljenih od Državne agencije za istrage i zaštitu (izvjestioci: Borislav Radić, Danica Berić)

Borislav Radić zadužen je, kao izvjetilac ispred Odbora, za razmatranje predstavke broj: 03-50-1-60-14-1/10 od 14.07.2010. godine, te je članovima Odbora i prezentirao konkretan slučaj. Predstavnik SIPA-e je upoznao članove Odbora sa *Informacijom*, koja je dostavljena naknadno, a u kojoj se navodi da je predstavka ocijenjena kao neosnovana, te sa razlozima zbog kojih je i donesena takva odluka.

Danica Berić je članovima Odbora predstavila slučaj opisan u predstavi broj: 03-50-1-60-14-11/10 od 14.08.2010. godine. Predstavnik SIPA-e je upoznao članove Odbora sa detaljima slučaja te naveo da je upravo za vrijeme održavanja sjednice bio zakazan sastanak povodom navedene predstavke, te se obavezao da će članovima Odbora, u najkraćem mogućem roku, dostaviti sve dodatne dokumente relevantne za konkretan slučaj.

Ad.4. Tekuća pitanja

a) Izrada promotivnih materijala za Odbor (plakat)

Članovi Odbora zaključili su da je neophodno, radi boljeg upoznavanja građana sa radom Odbora za žalbe građana, izraditi plakate na kojima će se jasno navesti nadležnosti Odbora, u skladu sa Zakonom i Poslovnikom, te kontakt podaci Odbora.

b) Posjeta međunarodnim graničnim prijelazima

Članovi Odbora donijeli su zaključak da je neophodno, u što skorijem periodu, posjetiti međunarodne granične prijelaze, upoznati se sa stanjem na terenu i glavnim problemima u radu Granične policije BiH, te upoznati pripadnike Granične policije BiH sa nadležnostima Odbora za žalbe građana i dostaviti im promotivne materijale, kako bi bili istaknuti na vidnom mjestu i dostupni građanima.

Sjednica Odbora za žalbe građana završena je u 15.00 sati.

Privremeni sekretar
Odbora za žalbe građana
Aida Kreho

Predsjednik Odbora
za žalbe građana
Mate Miletić